

書

姑溪居士文集卷第四十三

祭文 薦亡疏文附

祭秦少游文

祭折渭州文

祭文

祭某氏夫人文

祭文

疏文

藏雲十二月十四日齋僧轉經功德疏是日大雪

先妣忌日齋疏



二月四日墳山齋僧轉經追薦

癸巳二月四日齋僧疏

姑溪居士文集卷第四十三目錄

姑溪居士文集卷第四十三

趙郡李之儀端叔

祭文 薦七疏文附

祭秦少游文

嗚呼少游子不可得而見矣而子之平生未嘗一日忘于胸次也想像展轉一頓一笑拱揖步驟折旋俯仰至于眉頰膚髮已來歷、可數可襲如扶携傾倒論難抑揚之際也晝而思夜則往、發于夢寐不在扁舟江湖之上即並轡闕廷之下與委蛇班列之中或相與追逐樽俎之地也嗚呼子一去雖冥、寂、無路可從然子之所寓予已得之而無疑其清都紫府雲衣玉

簡寔子之素志而今輒未及者豈有以託之而適乘其絲累也
方其聞子之訃也予哭之幾不欲生已而丹施之婦又得哭于
江上蓋嘗寫子之哀而宣之以祭也于是子之孤羸然哀服執
徐夫人之喪來訃之于予曰將遷子之柩合塋于惠山之陰而
用予昔遊之詩以定計也嗚呼故鄉義也今子之藏予固所願
歸骨似在其左右而一語動搖遽不能自果亦初不謂子由此
而來遂夫阡隴為隣使子孫歲時展省永不相捨命矣乃天若
有所制也哀疲苟生餘日無幾既不得憑棺一慟又不得從撼
鐸之聲以臨其壙而雪涕也不腆儀物聊致一奠庶幾不忘疇
昔為予隨所厚薄屬饜而盡醉也

祭折渭州文

理固可期命或難制天人之間時有同異雖公之出逢世昌明
束髮從軍隱然其名以忠得君以仁得衆談笑廓清弗鼓而勇
彼絕漠來天都其藪烏竄鼠伏恃此以久於赫先廟神靈在天
既遺聖子又委公賢猷倬重光收功大觀高旌巨節以極歆羨
方期都護開府稱觴公胡不淑正晝而亡上自朝廷下至蕃漢
歎惜震悼情無少間矧我以鄙早辱公知發訃失聲既驚猶疑
十年江湖望公天際公不我遺軫卹相繼公今已矣欲報不能
公有令子寔我弟昆臨喪無從又阻執紼有淚如泉淋浪胸臆

祭文

嗟我晚生猶及前輩端厚沉懿莫或瑕類固不妄發：必有對
落羿彀中遊豈在外表柔裏剛如未嘗淬一振其銳萬牛可膾
彼不知我：何彼罪命非力勝誰進誰退嘗謂涉世有同碾礮
運轉循環即分向背惟我低昂無彼殿最以是始終一槩諸內
白首歸来自信不昧庶幾百年遠與德配如器琉璃忽尔破碎
求仁得仁公則何慙彼譖人者寧不知悔方公之歸亟欲往會
杖屨周旋豁我蓊薈差池未及奄隔明晦如歎啣哀薦此一醉

祭某氏夫人文

嗚呼不求而得不思而至自非積累豈復如是八十之年臨終
而仙冥告之符孰不謂然夫人之賢乃其自出端靜柔閑不愧
典則來嬪君家寔配我公翕然宗之有德有功公且逝矣奄然
先之意將禳除以待公歸茫：青都表：淨土不仙則佛固有
其處萬世之後瞻望何及生者之情徒啜其泣穀羞羅列醉筭

後先失聲

庶與公俱歆此一奠

祭文

嗚呼霜天之鷲雪野之驥既得其時斯動而銳君相一德好賢
下士知公有才首擢已試浮雲雖作旋亦昭示事任遽隆寵榮
斯洎如何不享使我增喟嗚呼我登公門公甫數歲氣已食牛
信必達器惟文恭公每進諸穉指公語我此即特慧他時可觀
吾家幾世四十四年利害多契情好之篤無異兄弟我方南遷

為眾所棄公獨不恤問勞相繼間遣其子頌我吾窮裔眷言恩
勤寔自高義比家金陵公且適至暮夜過門握手出涕謂我雖
老壽骨可恃鷄黍田園約我備為我笑謂公非公所議願公直
前無跋無躉公能信然亦我之利別未兩月忽訃已逝不覺失
教公而止是公有令子敏洽而藝庶其緒餘必踐無愧雖不終
享足以為遺獨我報公幾至無地歛不得親器不得致 託長
跽侑公一醉

薦七疏文

藏雲十二月十四日齋僧轉經功德疏是日大雪

歲月易遙恍如夢斷音容雖隔宛在目前念去識之莫追仗真
乘而仰導適臨諱日恭詣靈園延西竺之勝流演貝葉之秘說
上林震動俄瑞雪之來符歌頌抑揚猶內宮之化現光明說法
之地散漫雨花之天召此休徵尤知顯 某人神遊不昧寶界
安居徑徹三摩永謝諸緣之漏同會一處長陪上善之人

先妣忌日齋疏

江山雖異所利者葬書降隴既營適逢于忌日載念劬勞之重
難忘追慕之懷祈哀覺皇正位新室庶修崇之不昧達增上以
弥高非徒致謹于莊嚴兼亦告成于遷奉伏願某人周旋饒益
資藉光明即福地為萬世之安躋妙緣于三界之外金沙布地
瑩如清淨之蓮華玉偈聞音超證飛昇之化佛

二月四日墳山齋僧轉經追薦

與人異轍問佛知因乃能所願必從是故有感斯應眷言我氏
既掩泉宮茲臨屬纊之辰尚昧應緣之地恭依新壟仰達真誠
憑齋修持誦之功薦資藉莊嚴之福設猶沉滯遂獲超昇如在
功名更期增上伏願藉平生之信向仗今日之修崇地布金沙
安居于淨土音聞玉偈不捨于紺容永辭濁惡輪迴常為般若
眷屬

癸巳二月四日齋僧疏

衆生業力未免億劫迷塵諸佛願心務抹一切苦趣恭惟無上
之正覺乃是去識之資糧明晦既殊薦嚴敢昧伏願某人以平
時之素履仗今日之良因沉冥不滯于閻途安養常居于樂國
玉毫光裏親承解脫之音金色界中永陪清淨之衆

姑溪居士文集卷第四十三終

姑溪居士文集卷第四十四

青詞

癸巳三月二十七日還醮

疏文

請悟老住隱靜

請訥老再往天寧

請祖燈禪師住崇寧

請祖燈禪師住院

請祖燈禪師住大乘

廣慈青山建庵

黃助教藏雲山齋僧

禪岳化修造山門鐘樓佛殿

化度牒

路西政和圩共修青山中元水府行宮

路西圩成修水陸答謝

為畢悟宗求化為僧

天寧寺翻瓦藏殿印千佛求化疏

還願水陸齋疏

南禪推藏疏

采石修殿

為人作求三衣疏

修黃山廟疏

采石廣濟院求化造塔

姑溪居士文集卷第四十四目錄

姑溪居士文集卷第四十四

趙郡李之儀端叔

青詞

癸巳三月二十七日還醮

人無所知有急則禱天能必應惟意是從故禱應常為低昂而
天人寔相表裏伏念臣男堯光比出瘡病輒味療治勢甚綴旒
遂茲叩請報如荅響竟獲痊安因其日之受生謹乃心而致謝
仰冀高明顯降衆聖普臨靡間螻蟻之甚微俾享丘山之永固
精誠昭格洪造難酬誓以始終長依保佑

疏文

請悟老住隱靜

碧霄勝地杯渡道場乃東南第一叢林真佛祖第三境界宜得毗耶之士重開詹蔔之花啐啄既同機緣斯在悟公長老月涵衆水雨澤羣生爛然天下之名信矣僧中之寶諸聖幾回推去高情惟務退藏雖巨浸明珠自謂韜光之得便然疾風勁草固應有目之難逃法已在茲理容必致何勞飛錫見成行道之區願副傾心同罄後天之祝

請誓老再住天寧

諸法各有因緣常情強自起倒况無位真人只于面門上出入而好事君子却于眼界外尋求欲識今日主人便是前時長老

誓公禪師了這個事得無碍才神通妙用盡入鉗鎚世諦宗風有同水乳此地從來歸向其勢再湏住持方朝廷普極修崇于時節尤為際會祝聖人壽既同在處焚修說祖師禪更為重新提掇

請祖燈禪師住崇寧

祝聖人壽無出上乘說祖師禪湏歸作者惟賜額政新未久而當人適值為難啐啄既已宴府建立自然相契僉言斯允令舉是宜祖燈禪師負天下名如星中月南北道靡不適達內外學悉能兼該大雄能仁若到今時解空多聞俱膺上首可謂青天白日凡眼亦知其清明無論翠竹黃花有時畢資其運用雖長

袖難施于褊小而慈航寔計于通 眷言向德之誠何異念家
之客既茲幸會似應宿緣虎步雲驤願赴群心之拭目雲蒸雨
澤佇觀萬物之回春法鼓一殷潮音四徹

請祖燈禪師住院

大用現前固有投機時節圓融斯事須憑本分鉗鎚况此政通
人和已是風移俗易盡出吾君之賜不勝臣子之心爰建法幢
鼎延德器庶假一毫之善仰禪万仞之崇日月增輝龍天共證
祖燈禪師四馳令譽三座道場疑與歷陽之人同受靈山之記
瓜爛蒂落緣熟可知蜜就花存因成敢昧輒效觀音之勸請遂
見彌勒之下生願震雷音十方普應

請祖燈禪師住大乘

一性融和本無係着諸緣解后遂有去來方截斷當塗要津又
復作歷陽上首叢林雖云小大盛衰寔係抑揚聚散有時蓋非
細事而勸請之主仍是作家幸垂難思議心重據寶華玉座祖
燈禪師如日正午似地擎山初不計其光明遽自成之孤峻声
名常在掩覆固難啐啄已分飛騰斯契天高地厚既同祝于萬
年川納海容願均慈于一子

廣慈青山建庵

橫挑拄杖幾年遍歷諸方高掛淨瓶今日却尋住處既認得本
從面目又不妨建立門庭珍重青山齒搖髮白蕭疎生計囊乏

鉢空維摩丈室未建脩趙州繩床無處頓

又

道人活計志在林泉禪客生涯心棲雲水草以為菴雖無丹籟之勤粗有茅茨之費中局基址已憑自己增工外境莊嚴須藉傍人着力

黃助教藏雲山齋僧

諸佛現前有感斯應至誠不昧觸處皆通既因勝踐以自期寔念常生而致禱輒依福地恭置堂羞庶資饒益之仁同證圓明之果爍迦邏眼既由種々以普臨不退轉心更冀重々而無盡
禪岳化修造山門鐘樓佛殿

兜率陀天雖一心之可到妙莊嚴品舍衆力以難圖眷茲披榛莽以興宗亦既歷歲時之綿遠漸成保社尚缺津梁如人之身面目最為大者是役之務殿閣豈宜緩哉唯其費用之極多所以經營之反後轉憑不退轉之誠懇博謀無滯礙之檀那此日世緣暫尔破慳而見助化時佛會莫云相識之未曾更俟焚修仰資報應

化度牒

祝聖人壽莫如度僧現比丘身是亦說法能體一時之想即得三昧之門非昔日曾膺受記則今朝豈易發心輒放巡門之求以接開壇之便跋遮那相果獲助緣兜率陀天定須相見

路西政和圩共脩青山中元水府行宮

俗諦自欺異同相党神工不宰正直是師眷盛德之威明寔吾
邦之依止每感必應無隱不周將有事于汙萊復並受于侵冒
庶格終始之吉嘗邀輔佑之仁果獲奏成敢忘昭報非醪羞不
足以答丕貺非象設不足以顯至靈是用博謀食利之財就啟
來臨之館一則便圩農之祠禱一則表福善于無窮竊圖錫禹
之圭兼證吠堯之犬

路西圩成脩水陸荅謝

大慈大悲則光明四徹無遮無碍則平等一如既能周遍河沙
最為利益功德上自諸佛菩薩下至餓鬼畜生靡間幽微普同

供養比舉大役時有異心輒歸命于上緣莫協謀于茲事果蒙
明顯遂獲奏功謹揆日以修崇用酬恩于成就衆生差別父子
未免于交攻至道坦夷胡越可回其弗類更所佑獲相與始終
為畢悟宗求化為僧

昔自在王應物以化普為有情今畢悟宗順俗而行止求得度
念一佛出則是一時境界必千人緣乃千處津梁故資一以投
誠俟滿千而示相妙高孤絕已知向上之階梯 臂摩掌會是
本來之面目庶憑願力同結正因

天寧寺翻瓦藏殿印千佛求化疏

風雨其除人事固為先務齋粥之寄禪林豈可後時况龍宮海

藏之所流通而檀那善友之所歸向既敝則安能不作欲作則未免有求輒覲信心同圓妙果或專一佛而布施或兼衆力以修崇庶資無盡光明共證當來利益

還願水陸齋疏

吾佛之于衆生猶親之于愛子凡呻吟之所及必極救以無違是故作大醫王務欲酬諸願力然轉誦禱施則未免于偏係而歌揚贊唄則僅足以莊嚴惟無遮無碍平等之大齋乃盡善盡美極至之勝事普沾利樂靡間幽微比發誠心仰投覺報莫茲功德之重遂蒙感應之符果致危疑遽諧解釋謹奉阿難之教律備修天監之科儀如接晦明悉依召請既荷降臨之不昧更

期保佑以相資永賴慈恩益綿世算

南禪推藏疏

仰祿而食悼既往之搏虛求田以歸庶將來之有托比聞路西之役適符令下之新經始之初潔誠以禱敢邀佛力之助冀皆農事之成謂一大藏教備載三乘而十轉地宮全收萬善果獲光明之報粗償種植之勞輒謹素心奉酬夙願場圃方作尚懷薄厚之疑廩庾所儲更冀圓滿之益餘自今日常保豐年旁及衆莊永無後患

采石修殿

叢林所居殿宇為之冠冕捨施之利者香火乃其津梁一瞻一

禮必自是而精虔萬法萬緣須乘此而發表比將徹故而增葺不免有求設非篤信于莊嚴豈能見助惟茲地最當衝要凡上士常所經行入口則多素願欲還出江則望好風相送設誠良便舉眼有歸筆頭果遂標題世路倍增饒益

為人作求三衣疏

既見比丘身當受甘露戒沙弥之相尚染于深黃如來之衣須同壞色雖正法王之子未沾施主之恩願捨諸漏以發心使備三衣而得度今日絲毫之助他年狐貉之居若更一念出塵便向三摩受記

修黃山廟疏

嶽鎮妥靈隨方顯祐嘉寧表異無地不歆眷黃山之崇隆寔江國之依止禱祈雖遠而必至報應如響之荅殷有赫威明常在瞻仰廟貌儼存于雄峻棟宇良藉于莊嚴歲月屢遷風雨乘間既有傾頽之慮可忘完葺之圖是用徧謁于信心蓋欲共成于盛事至誠所格幸偕喜捨之同降福是承式契冥符之驗

又

天無私親蓋委神而表著神則正直寔代天而照臨恭惟仁聖之司全分造化之寄故在：處：戴之如父母而冥：蠢：因因之托死生既昭示以不誣于欽承而敢後適瞻翳暗且復隳頽非徒邀福之未嚴是乃吾邦之可恥謹投誠于信懇將丕顯

于增完庶幾不日而成共致如心之報

又

竭虔妥靈廟貌所以建立謀新改舊檀施所以修崇洪惟德配于兩儀久矣福臨于茲地靡間幽微之側常如俯仰之親凡念之興應期而答雖慈親一子之愛猶有異同而神威萬變之酬略無厚薄豈位置之浸淑可營造之不圖敢竭丹誠徧祈正信共致維心之感相成協力之恭毫髮苟輸丘山必報

采石廣濟院求化造塔

高顯所示來遠目之信心建立非難託正緣于衆力眷茲勝地俯瞰大江寔中元水府之鎮臨而前世名流之履歷舟楫之所

輻輳人物之所追尋固宜表見以發明况復祈禱而感應風濤不測脫性命于頃臯名利是圖携妻孥而來徃方有求于佛力忽孤出于雲端何異父母之再逢宛若迷途之有遇願饒益之如是豈修奉之可違輒募特達之檀那共成無盡之功德妙莊嚴品既知步、階梯不退轉心當證重、樓閣

姑溪居士文集卷第四十四終

姑溪居士文集卷第四十五目錄

詞曲

水龍吟 中秋

驀山溪 次韻徐明叔

驀山溪 北觀避暑次明叔韻

驀山溪 采石值雪

驀山溪

滿庭芳 次景修韻

滿庭芳

玉蝴蝶

早梅芳

謝池春

春光好

千秋令 詠疇昔勝會和人韻後篇喜其歸

千秋歲

再和前意二首

千秋歲 和人韻

千秋歲 用秦少游韻

臨江仙二首

江神子三首

清平樂二首

清平樂 聽楊琴

再和前韻二首

浪淘沙

卜筮子

憶秦娥 太白韻

姑溪居士文集卷第四十五目錄

姑溪居士文集卷第四十五

趙郡李之儀端叔

詞曲

水龍吟 中秋

晚來輕拂遊雲盡捲霽色寒相射銀潢半掩秋毫欲數分明不
夜玉管傳教羽衣催舞此歡難借凜清輝但覺圓光罩影水壺
瑩真無價 聞道水晶宮殿蕙鑪薰珠簾高挂瓊枝半倚瑤觴
更勸鶯嬌燕婉日斷魂飛翠縈紅繞空吟小研想歸來醉裏寫
篔簹鳳朶倩何人卸

驀山溪 次韻徐明叔

神仙院宇記得春歸後蜂蝶不勝閑惹殘香縈紆深透玉徽指
穩別是一般情方永晝因誰瘦都為天然香 桐陰未減獨自
携芳酒再弄想前歡拊金樽何時似舊憑誰說與潘鬢轉添霜
飛隴首雲將皺應念相思久

又北觀避暑次明韻

金柔火老欲避幾無地誰借一簷風鎖幽香惜惜清邃瑤階珠
砌如膜遇金篦流水外落花前豈是人能致 擘麟泛玉笑語
皆真類惆悵月邊人駕雲軒何方適意么絃咽處空感舊時歡
蘭易歇恨偏長魂斷成何事

又采石值雪

峨眉亭上今日交冬至已報一陽生更佳雪因時呈瑞勻飛密
舞都是散天花山不見水如山深水壺裏碎 平時生選勝到
此非容易弄月與燃犀漫勞神徒能驚世事如此際天意巧相
符須痛飲慶難逢莫訴厭 醉

又

晚來寒甚密雪穿庭戶如在廣寒宮驚滿目瑤林瓊樹佳人乘
興應自得歡多泛新釀催金醖別有留心處 爭知只裡沒個
人言語撥盡火邊灰攪愁腸飛花舞絮憑誰子細設與此時情
歡暫歇酒微熏還解相思否

滿庭芳 八月十六夜景修韻東坡舊詞因韻成此

一到江南三逢此夜舉頭羞見婵娟黯然懷抱特地遣誰寬分
外清光潑眼迷滉漾無計柵欄天如洗星河盡掩全勝異時看
佳人還憶玉年：此時相見方難謾紅綾偷寄孤被添寒何
事佳期再覩翻悵望重疊關山歸來呵休教獨自腸斷對團圓
又有碾龍圖為供求詩者作長短句報之

花陌千條珠簾十里夢中還是揚州月斜河漢曾記醉歌樓誰
賦紅綾小研因飛絮天與風流春常在仙源路隔空自泛漁舟
新秋初雨過龍團細碾雲乳浮甌問殷勤何處特地相留應
念長門賦罷消渴甚無物堪酬情無盡金扉玉榜何日許重遊

玉蝴蝶

九月十日將登黃山為雨阻遂頽弊止陳君俞獨不至已而以三闋見寄輒次其韵

坐久燈花開盡暗驚風葉初報霜寒冉：年華催暮顏已非丹
攪回腸蛩吟似織留恨意月彩如攤恹無歡篆烟縈素空轉雕
盤何難別來幾日信沉魚鳥情滿關山耳邊依約常記巧語
綿蠻聚愁窟蜂房未密傾淚眼海水猶慳奄更闌漸移銀漢低
泛簾顏

早梅芳

雪初消斗覺寒將變已報梅梢暖日邊霜外迤邐枝條自柔軟
嫩苞點綴綠萼輕裁剪隱深心未許清香散漸融和開欲遍
密處疑無間天然標韻不與群花闌深淺夕陽波似動曲水風
猶懶最消魂弄影無人見

謝池春

殘寒銷盡，疎雨過清明。後花選飲，餘紅風沼，縈新皺。乳燕穿庭戶，飛絮沾襟袖。正佳時，仍晚晝，著人滋味。濃如酒。頻移帶眼空，只恁厭、瘦不見。又思量，見清溪一派，瀉柔藍岸。草豔、記得黃鸝語。畫簷喚狂童醉裏，三春風不動，垂簾似三五。初圓素蟾鎮淚眼，廉纖何時歌舞。再和池南。

春光好

霜壓曉月收陰，斗寒深。看盡燭花金鴨冷，捲殘衾。卯酒從誰細酌，餘香無計重尋。把夜來相見夢，寫文琴。

千秋歲

詠疇昔勝會和人韻後篇喜其歸

深簾靜畫，綽約閨房秀。鮮衣楚製非文繡。凝脂膚理膩，削玉腰圍瘦。閑舞袖，回身悄語凭肩久。肩壓橫波皺。歌斷青、柳釵遠壁，壺頻叩。鬢棲清鏡臺，淚漲芳樽酒。難再偶。沉、夢峽雲歸後。

又

柔腸寸折，解袂留清血。藍橋動是經年別。掩門春絮亂，歌枕秋蛩咽。檀篆滅，鴛衾半擁空牀月。粧鏡分來缺。塵污菱花，潔嘶騎遠。鳴機歌家封書錦，字巧綰香囊。結芳信絕，東風半落梅梢雪。

再和前意

萬紅暄晝占盡人間秀怎生圖畫如何綉宜推蕭史伴消得東
陽瘦垂窄袖花前鎮憶相思久淚裏回紋皺好在章臺柳洞
戶隔憑誰叩寄聲雖有雁會面難同酒無計偶蕭蕭暮雨黃昏
後

又

休嗟磨折看取羅巾血殷勤且話經年別庭花番悵望簷雨同
鳴咽明半滅燈情夜多如月無復傷離缺共保冰霜潔不
斷夢從今歇收回書上絮解盡眉頭結猶未絕金徽泛處應能
雪

又和人

中秋終過又是重陽到露乍冷寒將報綠香摧渚艾黃蜜攢庭
草人未見藍橋漫促霜砧搥 炤影蘭缸暈破戶銀蟾小樽在
眼從誰倒強鋪同處被愁卸歡時帽湏信道狂心未歇情難老

又用秦少游韻

深秋庭院殘暑全消退天幕遠雲容碎地偏人罕到風慘寒微
帶初睡起翩翾戲蝶飛成對嘆息誰能會猶記逢傾蓋情暫
遣心常在沉香信斷荏苒光陰改紅日晚仙山路隔空雲海

臨江仙

知有涼風花解語從來祇許傳聞光明休詠漢宮新擁身疑有
月觀步恨無雲莫把金樽容易勸坐來幾度消魂不知仙骨

在何人好將千歲日占斷四時春

又

九十日春多過了尋常偶到江皋水容山態兩相饒草平天一
色風暖燕隻高酒病厭何計那飛紅更送無聊鶯殺猶似
耳邊嬌難回巫峽夢空恨武陵苑

江神子

惱人天氣雪銷時落梅花日初遲小閣幽窓時節聽黃鸝新洗
頭來嬌困甚纔試夾羅衣木梨花拂淡胭脂翠雲歌斂
眉月淺星深天淡玉繩低不道有人腸斷也渾不語醉如痴

又

今朝莫惜醉顏紅十分中且從容須信歡情回首似旋風流落
天涯頭白也難得再相逢十年南北感征鴻恨應同苦重
重休把愁懷容易便書空只有琴樽堪寄老除此外盡蒿蓬

又

闌干倚遍等新紅酒頻中恨多投得花開還報夜來風惆悵
春光留不住又何似莫相逢何處相歸鴻與誰意

千重婉思柔一旦總成空彷彿么絃猶在耳應為我首如蓬

清平樂

橋

西江霜後萬點暄晴晝璀璨寄來光欲溜正值文君病酒
畫屏斜倚窓紗睡痕猶帶朝霞為問清香絕韻何如解語梅花

又

蕭々風葉似與更深接欲寄明璫非為怯夢斷蘭舟桂楫
學書只寫鴛鴦却應無奈愁腸安得一隻飛去春風芳草池塘

又聽楊琴

殷勤仙友勸我千年酒一曲履霜誰與奏解后麻姑妙手
坐來休歎塵勞相逢難似今朝不待親移玉指自然癢處都消

再和

當時命友曾借隣家酒旧曲不知何處奏夢斷空思纖手
却應去路非遥今朝還有明朝漫道金能化石須知石被人消

又

仙家庭院紅日看々晚一朵梅花挨畔枕玉指幾回拈看
擁衾不比尋常天涯無限思量看了又還重嗅分明不為清香

浪淘沙琴

霞捲與雲舒月淡星疎摩徽轉軫不曾虛彈到當時留意處誰
是相如魂斷酒家壚路隔雲衢舞鸞鏡裏早粧初擬學畫眉
張內史略借工夫

卜算子

我住長江頭君住長江尾日日思君不見君但共飲長江水
此水幾時休此恨何時已只願君心似我心定不負相思意

憶秦娥 太白韻

清溪咽霜風洗出山頭月山頭月迎 雲歸 送雲別 不知
今是何時節凌歊望斷音塵絕帆來帆去天際雙闕

姑溪居士文集卷第四十五終

姑溪居士文集卷第四十六目錄

詞曲

蝶戀花四首

浣溪沙二首

再和二首

西江月三首

鵲橋仙二首

踏莎行二首

鷓鴣天四首

朝中措三首

阮郎歸

採桑子 席上送少游之金陵

如夢令

臨江仙 登凌歊臺懷感

臨江仙 景修席上再賦

醜奴兒

青玉案

更漏子

漁家傲

南鄉子五首

驀山溪

減字木蘭花

姑溪居士文集卷第四十六目錄

姑溪居士文集卷第四十六

趙郡李之儀端叔

詞曲

蝶戀花

天淡雲開晴晝永庭戶深沉滿地梧桐影骨冷魂銷如酒醒夢
回猶是前時景取次杯棹催酩酊醉帽頻欹又被風吹正踏
月歸來人已靜恍疑身在蓬萊頂

又

玉骨冰肌天所賦似與神仙來作烟霞侶枕畔拈來親手付書
窓終日常相顧幾度離披留不住依舊清香只尺能言語再

送神仙須愛護他時却待親來取

又

萬事都歸一夢了曾向邯鄲枕上教知道百歲年老誰得到其
間憂患知多少無事且頻開口笑縱酒狂歌消遣閑煩惱金
谷繁華春正好玉山一任樽前倒

又

為愛梅花如粉面天與工夫不似人間見幾度拈來親比看工
夫却是花枝淺覓得歸來臨几硯盡日相看默情無限更
不嗅百遍分明銷得人腸斷

浣溪沙

梅

水門頭

玉條能令江漢客魂消只應音信是春潮了

又羞緣我老折來同嗅誰許招憑

意問妖嬈

又

玉室金坡不動塵林梢綠徧已無春清和景思一番新道
骨仙風雲外侶烟鬟霧鬢月邊人何妨人醉到黃昏

再和

依舊琅玕不染塵霜風吹斷笑時春一簪華髮為誰新白雪
幽蘭猶有韻鵲橋星渚可無人金蓮移處任塵昏

又

昨日霜風入絳帷曲房深院繡簾垂屏風幾曲畫生枝酒韻

漸濃歡漸密羅衣初試 初 已涼天氣未寒時

西江月 橋

昨夜十分霜重曉來千里書傳吳山秀處洞庭邊深夜星垂初
漏 好事寄來禪侶多情將送琴仙為憐佳果稱婵娟一笑聊
回媚眼

又

醉透香濃斗帳燈深月淺回廊當時背面兩張、何況臨風懷
想 舞柳經春祇瘦遊絲到地能長鴛鴦半調已無腸忍把弓
弦再上

又

念、欲歸未得迢、此去何求都緣一點在心頭忘了霜朝雪
後 要見有時有夢相思無處無愁小窓若得再綢繆應記如
今時候

鵲橋仙

風清月瑩天然標韻自是閨房之秀情多無那不能禁常記而
今時候 碧雲低攏紅潮微上幕畫梅寒初透一般偏更惱人
深時更把眉兒輕皺

又

暮雲收盡纖塵不警萬里銀河低挂清宵風露不勝寒無計學
雙鴛並駕 玉簫聲斷寶釵香遠空賦紅綾小砑庾郎知有幾

多愁怎奈向月明今夜

踏沙行

綠遍東山寒峭西渡分明認得春來處風輕雨細更愁人高唐
何在空朝暮離恨相尋酒狂無素柳條又折年時數一番情
味有誰知斷魂送却征帆去

又

還是歸來依前問渡好風引到經行處幾聲啼鳥又催耕草長
柳暗春將暮潦倒無成踈慵有素且陪野老酬天數多情惟
有面前山不隨潮水來還去

鷓鴣天

節是重陽却未寒可堪風雨累尋惟辜早菊同高燕聊挹殘
蕉共小欄浮蠟嫩炷烟盤恨無鶯唱舞青鳶空驚絕韻天邊
落不許離顏夢裡看

又

濃麗妖妍不是粧十分風艷奪韶光牡丹開處應難比繁富尤
疑過海棠須子細更端詳爛霞梳髮暈朝陽千金未足酬真
賞一度相逢一斷腸

又

避暑佳人不著粧水晶冠子薄羅裳摩綿傳粉飛瓊屑瀝蜜調
冰結絳霜隨我小蘭堂金盃盛水遠牙床時時浸手心頭

慰受盡無人知處涼

又

收盡微風不見江分明天水共澄光
由來好處輸閑地堪嘆人生有底忙
心既遠味偏長須知麤布勝無裳
從今認得歸田樂何必桃源是故鄉

朝中措

臘窮天際傍危欄密雪舞初殘
表裏江山如畫分明不似人間
功名何在文章漫與空嘆流年獨恨歸來已晚
半生孤負魚竿

又

暮山環翠繞層欄時節歲將殘
遠雁不傳家信空能嘹唳雲間
客情無盡歸心易感誰與忘年
早晚流凝望帆催却風竿

竿

又

翰林豪放絕構欄風感雕殘
一旦荆溪仙了筆頭換聚時間
錦袍如在雲山頓改宛似當年應笑深陽
哀尉鮎魚依舊綠竿
阮郎歸

朱唇玉羽下蓬萊佳時近早梅
惜花情味久安排枝頭開未開
夢歛斷恨難裁香心休見猜果知何
何妨入夢來

朱唇玉羽湖湘間謂之倒挂子嶺
南謂之梅花使十二月半方出

採桑子

席上送少游之金陵

相逢未幾還相別此恨難同細雨濛濛一片離愁醉眼中
朝去路雲霄外欲見無從滿袂仙風空托雙鳧作信鴻

如夢令

回首蕪城舊苑還是翠紅深淺春意已無多斜日滿簾飛燕不
見不見門掩落花庭院

臨江仙

登凌歊臺懷感

偶向凌歊臺上望春光已過三分江山重疊倍消魂風花飛有
態烟絮墜無痕已是年來傷感甚那堪旧恨仍存清愁滿眼
共誰論却應臺下草不解憶王孫

又

景修席上再賦

難得今朝風日好春光佳思十分雖然公子暗招魂其如抬眼
處俱是舊時痕酒到強尋歡日路坐來誰為溫存落花流水
不堪論何時弦上意重為拂桐孫

醜奴兒

謝人寄臘梅

春風似有燈前約先報佳期點綴相宜天氣猶寒蝶未知
嫩黃染就蜂鬚巧香壓團枝淡注仙衣方士臨門未起時

青玉案

用賀方回韻有所禱而作

小蓬有泛曾行路這身世如何去去了還未知幾度多情山色
有情江水笑我歸無處夕陽香：還催暮練淨空吟謝郎句

試禱波神應見許帆開風轉事諧心遂直到明年雨

更漏子 借陳君俞韻

暑方煩人似愠悵望林泉幽峻情會處景偏長心清聞妙香
寶幢低金鏤碎竹影桐陰窻外新重舊愁心空嗟不見人

漁家傲

洗盡秋容天似瑩星稀月淡人初靜策杖縈紆尋遠徑披昏暝
隄邊犢母閑相並遙思去舟魂欲凝一番佳思從誰詠憔悴
歸來如獨星知何境沉但覺烟村迥

南鄉子

春後雨餘天姪姘黃鸝勝品傳柳葉千燈初報暑階前祇有茶

甌味最便身世幾踟躕自覺年來更可憐欲問此人何所似

緣延看取窻間垂柳線

又

綠水滿池塘點水蜻蜓避燕忙杏子壓枝黃半熟隣墻風送荷
花幾陣香角簟襯牙床汗透鮫綃畫影長點滴芭蕉踈雨過
微涼畫角悠送夕陽

又

睡起遠回塘不見嘶泥燕子忙前日花梢都綠遍西墻猶有輕
風遞暗香步懶恰尋床卧看遊絲到地長自恨無聊常病酒
淒涼豈有才情似沈陽

又端午

小雨濕黃昏重午佳辰獨掩門巢燕引雛渾去盡銷魂空向梁
間覓宿痕 客舍宛如村好事無人載一樽惟有鶯聲知此恨
殷勤恰似當時枕上聞

又

淚眼轉黃昏去路迢：隔九門角黍滿盤無意舉凝魂不為當
時澤畔痕 腸斷武陵村骨冷難同月下樽強泛菖蒲酬令節
空勤風葉蕭：不忍聞

驀山溪

少孫咏魯直長沙舊詞用次韵

青樓薄倖已分終難偶尋徧綺羅間悄無個眼中翹秀江南春

曉花發乱鶯飛情漸透休辭瘦果有人相候 醉鄉路穩常是
身偏後誰謂正歡時把相思番成紅豆千言萬語畢竟總成虛
章臺柳青：否魂夢空搔首

減字木蘭花

亂魂無據黯：只尋來處路燈盡花殘不覺長更又向闌 幾
回枕上那件不曾留夢想遍盡星：一滴秋霖是一莖

姑溪居士文集卷第四十六終

姑溪居士文集卷第四十七目錄

詞曲

減字木蘭花

減字木蘭花

減字木蘭花

減字木蘭花

天門謠

好事近

浣溪沙二首

菩薩蠻二首

次韻陳瑩中題章深道獨樂堂

次韻陳瑩中題深道寄傲軒

得金陵報喜甚從趙景修借酒

次韻賀方回登采石娥眉亭

次韻黃魯直三首

雨中花令二首

留春令三首

南鄉子

萬年歡

樂語

賞花亭致語口號

姑溪居士文集卷第四十七目錄

姑溪居士文集卷第四十七

趙郡李之儀端叔

詞曲

減字木蘭花

隄長春晚冉冉渾如雲外見欲語無門略許鶯聲隔岸聞
錦屏綉幌猶待歸來留一餉何事遲遲直恐遊絲惹住伊

又次韻陳瑩中題韋深道獨樂堂

瑩中詞云世間拘礙人不堪時渠不改古有斯人千載誰能繼
後塵春風入手樂事自應隨處有與衆怡何似幽居獨樂
時

觸塗是礙一任浮沉何必改有個人人自說居塵不染塵漫
誇千手千物執持都是有氣候融怡看取青天白日時

又次韻陳瑩中題深道寄傲軒

瑩中詞云結廬人境萬事醉來都不醒鳥倦雲飛兩得無心揔
是歸 古人逝矣舊日南窓何處是莫負青春即是昇平寄傲
人

莫非魔境強向中間談獨醒一葉殘飛便覺年華大半歸 醉
云何笑認着依前還不是虛過今春有愧科名得意人

又得金陵報喜甚從趙景修借酒

揉花擢柳一夜陰風幾破牖平曉無雲依舊光明一片春 掀

衣起走欲助喜歡須是酒惆悵空樽擬就王孫借十分

走一作舞

天門謠次韻賀方回登采石娥眉亭

方回詞云牛渚天門險限南北七雄豪占清霧斂與閑人登覽
待月上潮平波灩灩寒管輕吹新何濫風滿檻歷數西川更
點

天整休論險盡遠目與天俱占山水險稱霜晴披覽 正風靜
雲閑平灩灩想見高吟名不濫頻香灑落沙鷗數點

好事近

與黃魯直于當塗花園石洞聽楊姝彈履霜操
魯直有詞因次韻

魯直詞云一弄醒心絃情在兩山斜疊彈到古人愁處有真珠
承曉 使君來去本無心休淚界紅頰自恨老來憎酒負十分

蕉葉

相見兩無言愁恨又還千疊別有惱人深處在晴騰隻曉
絃雖妙不須強惟願醉香頰只恐近來情緒似西風秋葉

又

春到雨初晴正是小樓時節柳眼向人微笑傍欄杆堪折
暮山濃淡鎖烟霏梅杏半明滅玉笋莫辭沉醉待歸時斜月

又

上盡玉梯雲還見一番佳節惆悵舊時行處把青
輕折欄人醉欲黃昏飛鳥望中滅天面碧琉璃上印灣
新月

浣溪沙 和人喜雨

龜拆溝塍草壓隄三農終日望雲霓一番甘雨報佳時
聞道醉鄉新占斷更闌詩和互排巖此時空恨隔雲泥

又

雨暗軒窗晝日昏彊歌纖手浴金盆却因涼思謝飛蚊
酒量羨君如鵠舉寒鄉憐我似鴟蹲由來同是一乾坤

又

殺名自惜猶時鳥日月何嘗避覆盆是非多付鬢邊蚊
解后風雷有用低徊囊檻要深蹲酒中聊復比乾坤

菩薩蠻

五雲深處蓬山杳寒輕霧重銀蟾小枕上挹餘香春風歸路長

雁來書不到人靜重門悄一陣落花風雲山千萬重

又

青梅又是花時節粉牆休把青梅折玉鞦偶逢君春情如亂雪
紅絲牽不斷誰信朱顏換莫厭十分斟酒深情更深

雨中花令

休把身心攪就着便醉人如酒富貴功名雖有畢竟用誰守
看取刀頭切藕厚薄都隨他手趁取日中歸去好待黃昏後

又王德循東齋瑞香花

點綴葉間如綉閑傍小春時候莫把幽蘭容易比都占盡人間
秀信是眼前稀有消得千鍾美酒只有些兒堪恨處管不似

人長久

留春令

夢斷難尋酒醒猶困那堪春暮香閣深沉紅窻翠暗莫羨顛狂
絮綠滿當階携手路懶見同歡處何時却得低幃昵枕盡訴
情千里

紫燕啣泥黃鶯喚友可人春色暄晴久王孫一去杳無音斷腸
最是黃昏後寶髻懶梳玉釵斜溜凭欄目斷空回首薄情何
事不歸來謾教折盡庭前柳

又

一別芳容五經寒暑回文欲寄無鱗羽多情猶自夢中來向人

分度流如雨 夢破南窓愁腸萬縷那聽角動城頭鼓人生彈
指事成空斷魂惆悵無尋處

南鄉子

夜雨滴空堦想見尊前賦詠才更覺鳴蛙如鼓吹安排惆悵流
光去不回 萬事已成灰只這些兒尚滿懷剛被北風吹曉角
相推不許時間入夢來

萬年歡

暖律才中正鶯喉競巧燕語新成萬綠陰濃全無半點芳塵門
巷朝來報喜慶信期此日光榮開華宴交酌瓊酥共祝鶴算椿
齡 須知最難得處雙鳳翼一對和鳴造化無私誰教特

地多情惟願疏封大國綵牋上頻易佳名從此去賢子才孫歲
歲長捧瑤觥

樂語附

賞花亭致語口號

惟難得而易失要在追尋時去速而來遲尤宜愛惜况此萱榴
用事蜂蝶退飛江亭倏變于清和春物頓驚于蕭索昨日歌聲
舞節更復何求明朝樂事賞心未應必得且據目前之勝遇聊
為醉裡之佳期伏惟 官才推海內無雙治為天下第一闔境
遂沉于夜柝編氓自樂于年豐既已無所用心當知不飲非計
况賓僚俱是賢俊復樂部莫非選掄從容四座之綢繆成就一

時之盛麗會適之際會不揣荒蕪上奉華筵軌陳口號
綠陰初合燕歸來煮酒新嘗換醖醅不獨江山想王謝須知賓
客盡鄒枚十分歡意休教剩萬斛愁心亦自開倒載任他路人
笑更將何處作春臺

姑溪居士文集卷第四十七終

姑溪居士文集卷第四十八目錄

墓誌銘

羅大夫墓誌銘

第四十九

墓誌銘

楊判官墓誌銘

郡太君林氏墓銘

第五十

墓誌銘

姑溪居士妻胡氏文柔墓誌銘

李氏歸葬記

姑溪居士文集卷第四十八

墓誌銘

羅大夫墓誌銘

趙郡李之儀端叔

太平為州當姑熟溪上大江自東來至西北別為支江匯溪水于西而南溪水清支江之水濁其分也略不相染州人以其分各有所况而其清則分也公諱彥輔字經世為太平人少依青山讀書雖家人見之亦有時人有就見者非所願見輒避去書無所不讀下至雜家藝學亦皆通貫五與鄉里奏名中嘉祐四年進士第調建昌軍南城尉以捕盜賞移揚州江都令用薦

者改著作佐郎知江州湖口縣丁父憂服除知江寧府溧陽縣
辟江南東路根究稅役司勾當公事轉秘書丞遷太常博士賜
六品服進屯田員外郎通判宿州未行辟司農寺主簿降一官
監江州稅丁母憂服除還所降陞朝散郎通判和州進稅役賞
所得官久之還所進知池州以朝請郎知睦州未行得請官勾
江寧府崇禧觀加朝奉大夫遂告老以元符三年七月六日卒
于家享年七十四即以九月八日葬公于白紵山崇寧五年七
月十七日改卜于山之南公曾祖諱德祖祖諱明父諱貫皆不
仕父以公故贈中散大夫母康氏追封永康縣太君周氏封壽
安縣太君娶趙氏封安福縣君五男子成南正夫忠甫餘未名

與曰甫皆先公卒成甫饒州司理叅軍亦已卒忠甫以上舍生
貫而未第三女子長未行而卒次嫁里人鄒鴻請徹孫男五四
泰已卒餘尚幼八女嫁者六二在室公介潔不苟合精悍自勵
讀書外無他嗜好居鄉里口不挂州縣事與在官者疎于鄉人
無少長貧富戚之如骨肉有為不善者必召而密教之有一善
必委曲稱誦之至其忘己之汙而喜自銜盜勢力以欺惑愚衆
因而有所利者未嘗扶同假借每見必面折之以故莫不畏且
愛而善類則徃、倚之以為重其終也哭之皆盡哀到今思之
不能已其去南城也有知其貧者袖黃金十餘兩邀公于路而
贖之公謝曰荷而知我黃金非所可當也故邀之曰人無知者

受之何傷公笑曰冥漠之間不遠左右安得為無知爾亦非愛我也
黷者負愧而去湖口僚吏有訟公沽酒受所增之數是時劉公述知州事得所訟即付吏或曰是至毫末兩置之可也公劉公曰羅湖口廉吏也不窮見其實則使終身被誣既曰多取一絲髮亦不可果得其誣而反坐之先是溧陽歲不登道殍至相枕藉公至則曰此可緩耶亟請發常平米又勸有米家量力而出下皆樂輸而就哺者至不遠百里地賴公以生者不可勝計部使者將條其施設而上之公曰救災令之職也飢者命在頃刻又况詔令具存其可忽哉人知惜人命令知謹詔令而已賞非所覲也司農長多便文自營公事無巨細必爭長惠之公

知不請去宰相直公而高其義曰自擇所欲而行會尉氏闕乃得之公到之三日謁孔子廟舍宇頽圯塑像半為雨所侵公愀然曰州縣有學風化之始也吾師有像尊所歸向也學不葺像不嚴何以施顏面以臨斯民首出俸錢補治邑人競相率而應像設館次俄一新來學者至不能容仍歲繼有登第者教閱保中令下擢通事舍人劉瑄提舉畿內瑄以驟得過自矜持按視所到吏屬至不敢仰視方闢教場公從瑄至其地輒命公引繩以信仗尺公比其下為引瑄色變徐以三事將困公公條叙詳諦瑄遽歛衽因厚為容而去既成第其勞為所隸之最尋召對比到闕下會元豐末命不果對乃得少府簿復與其

長論不合遂摭簿書失銷鑿二三事用以中公或強公求直公曰九江去家近奉親良便就使力圖之未必得直將何求公攝和州前為守者多市公使物更累政員民間逋責多公不受一錢而率其下未幾償足所員皆曰是終身不可得者微公疇能有之至齋僧誦經祝公以為謝真州有司以法不應支錢互用發運司案其事主吏將自引決公被檄推治或從公報其州令具推所公曰應猝而互其得已耶姑待之吏聞公語曰是生我也即他營以廷之公至其已足報吏卒獲免有請致仕者黃牒到而疾且革略能領之費牒者疑而不受公曰第受之有累非爾及也又為具其後事保奏其所得任子恩池之地下歲苦水

患加之沮洳不能成公卒逋逃卒得百人為役日親程之兼責數幹僧募民力伐九華山石為路自是池有城而水不為患往來者利之有作記以傳其事者強盜得財而無所傷邂逅屬縣有訴旱者公即以荒政從事皆寬以諭之奏課為本路第一公外雖嚴而中實平恕樂成就而惡培克在官飲食外未嘗買一物遇公使應特送他人如例而已獨不納居崇禧部使者以公清介列名而上請還公一州公聞而歎曰晚節末路得從容家居以盡餘日足矣為州豈所幸也俄有旨還稅役之賞而有司執文置前歲月不為用故大祀後一月方得應任于官或謂公理之必可得公笑而不答晚得攝生術強健如壯年耽味禪悅

遊心內典多得其要妙平居策杖徜徉里巷間見者必卻文改
改容曰異日求如斯人不復有矣願其壽考惡窮也公一日微
屬疾語家人曰我家固寒也但以一節自信縱明日餓死不為
介每以人之急難於事而責之則常使有餘地雖不顯而白
首退休姑造履瞑目何所憾耶素愛白紵山昔所偃泊以寄吾
老者比築菴號妙高當即庵地以為墓謹勿妄求銘誌設求或
昧平生而有請及爾曹憚而託之是穢我也我既以清白遺尔
曹萬一至飭粥不繼亦不可少屈以違我所戒言訖索洛更衣
而逝後其家併日而食忠甫教授一時晚生仰以奉偏親至蒸
藿不厭及久不請銘者皆所不敢違也公即世十五六年矣州

之人每行溪上俯流水而嘆曰羅公何在溪流如故公胡不留
永為吾邦之所矜式相與躊躇詠之而不忍去至有流涕者
銘曰涇渭之殊物理所槩疇謂于公涇輒未艾霜天皦日而豕
負塗浮雲何來反說之孤謂不我相胡畀壽考一其終初居晦
而長孰得孰失路人舉知琢詞墓道以昭其思

姑溪居士文集卷第四十八終

姑溪居士文集卷第四十九

趙郡李之儀端叔

墓誌銘

楊判官墓誌銘

無為楊氏自傑次公以文學行義有聞于時外至殊方異國亦知之而以字行以故遂為東南望族其論議激昂舉止淹雅不問可知為其家子弟或庶下諸生也當次公時各以其得之者至次頭角卓々相見後于今有抑揚頓挫對自為一宗而士論歸之無異辭君次公叔弟諱作字次文與其仲兄叔次思能羽翼所學差池上下冉々雲霄間若不可得而親而愈久愈可愛

君時恢廓無停滯重然諾從次公遊官為一時知名士所欽嚮
隨所至較藝多占高等晚登舒王門益信其所傳為不昧鄉校
推為前輩場屋以經術取士君首中其選再試復在第一竟不
第遂無復進取意久之近日有以十科交薦者于是相與勉君
出仕君曰謝用之則行舍之則藏渠敢以退為進而固自背馳
耶後舉經明行修起家調言州廬陵主簿或謂君儒者非剽劇
之所長君謹簿書肅期會剖析是非無一毫髮不及上官以為
能解后永豐闕今仍歲大歉獄訟充斥即以君攝其事凡振貸
招集悉能舉其要乃審所繫因得其乏食而自陷于強盜君愀
然曰命在俄頃而苟免罪之法意不如是皆使之更新既得出

懽呼涕泣曰微吾令君可復為良民耶比君去率遮道挽留幾
不得行再調池州司理叅軍未到輒感慨自嘆以謂時非不我
與而我自不勉因上書自薦曰騏驥已老致遠尚能鴻雁失群
不鳴為得是語者壯之辟西安州天都定戎寨主簿管勾安
撫司機宜文字方時拓復境土經理疆場有志之士輻輳砥礪
而新造之區風俗易異宜君能以文采學術緣飾以相其事人
物細捕莫不師事之興鹽池之利肅重閔之役資其規畫為多
第其最積階至儒林郎攝開封府考城令益有治教達官要人
引導惟恐後而君以去坟墓久思得並家一官以便洒掃調和
州防禦判官受八寶恩加承直郎未幾得疾以大觀三年二月

寶光齋
十四日卒于官享年六十五即以其年三月二十八日葬君于
無為鄉東厯村先生之次君曾祖諱果祖諱明具以文名官雖
不顯為當世推重父諱復左朝散大夫母長壽縣太君趙氏娶
鄱陽姜氏再娶同郡侯氏三男子洵蚤卒汴溱舉進士四女子
抱全適從事李敦頤花真適戴圮皆進士抱素適同上舍出身
火經抱玉適從事郎俞長源君和而不苟無所不盡誠處已嚴
而恕于接物於內典蓋家習也而亦天資所超悟嘗結彌陀社
著決定住往生西方論勸人修行疾且草語家人曰生死本空
無甚悲惱誦西方佛名不絕口端坐而逝自號白雲子有錦溪
集二十卷嗚呼古人謂松柏之下其草不殖又曰崕嶠無松柏

信乎造化所鍾各有其本非咫尺可得而論也次公之學既行
于人而君又能資藉紬繹以見于用可謂盛矣而設施之地猶
未能飽足人意豈有所待而然耶待之者亦有所以也積厚流
遠當知必有所在銘曰

得自是 行靡他 而止此 如命何 弗稼穡

胡取禾 後日顯 銘不磨

郡太君林氏墓銘

大觀三年朝奉大夫宏中罷吏部員外郎得請監太平州酒稅
明年到官適與余相值余稍以遷謫勞之乃曰君恩厚矣吾親
年八十四此距家終隔一水以所得祿為養升斗猶萬鍾也余

愧其語已而完補舍次掇拾器用凡所以娛老之備無所不盡
即具舟就迎而來有日矣夫人遽得疾吏部謁急歸侍療治祈
禱以夜繼日而憂戚憔悴見者幾為出涕未幾竟不起余聞報
亟欲親往以問饋粥未及行而訃者且以銘見委曰吾親以八
月八日棄孤遺卜以十一月祔先君中散之兆于和州歷陽縣
順天縣鄉冷水澗之北源願有以銘之先人與中散遊而余未
及見於治平間得吏部雖晚其義則晷也銘其可辭邪夫人姓
林氏建州建安人自為女子於所事不待教而能事父母惟恐
失其意穎出流輩而不以之自異宗族間每歎以為不可及皆
曰是難其配也久之戶外之禽相繼而諉於是同郡徐氏方以

文學政事接武華顯獨中散奉偏親畜弟幼妹藜藿不厭而隱
然名重閭里既從所委建安葉夫人甚愛其子而憂稚幼之未
有托比與夫俱閩內之事無復經意佐佐奉承無一毫不至常
所憂者率先期以緝迨其婚姻惟祝成而已中散仕以久交游
多一時知名士其至必命飲食相與傾蓋夫人佐饗飭器不屑
其勞亦不以晝夜為難中散執喪夫人之年六十餘矣夫婦皤
然履苦塊帛者既哀之且惧其不能勝自歷陽護其柩歸塋鄉
域水陸無慮數千里不遺餘力以相見舉既老專以佛事為日
用誦其書禮其名未嘗間一日或有以暫休為請者輒日上以
薦吾姑中以報吾夫下以備吾日後之資幸可勉俟其不能勉

休未晚也平居不妄笑語御下寬而有法間有延揖必正容貌
整冠裳而後見訓導疊々莫不本于為善自奉養至約喜周人
之急其於供施佛家則率先眾人而略不計有無屬續之際不
留一語惟合掌誦經以至瞑目初以中散通籍封永福縣君又
以郎中進封永安以子時中通籍封永封縣太君以閑中任屯
田改封永康天子既受八寶章慶中外特許命婦視夫秩為封
而閑中在吏部遂封普安郡太君夫人之先隱德自晦至皇考
諱含章始教子為學曰于夫人為兄以進士起家以材武自
振終左藏庫副使故贈其公率府副率封其母吳氏壽光縣太
君中散諱師回以左朝議大夫捐館舍贈左中散大夫四子久

中藤州軍事官時中承議郎剛中安州

先夫人以卒

季則閑中也兩

天范峒次嫁承議

別

珏林茲秣皆進

孟子曰王者迹息

而詩亡詩亡然後春秋作此特一時之論耳王者之迹蓋無時
不在也自採詩之官不繼故深閨之美無以為明其隨時自見
而達其天得以合于是道者夫人其可以無愧矣而又典刑所
鍾顯有令子雖不克盡其養亦庶幾無所憾無以愧至于無所
憾嗚呼夫人其賢哉銘曰勤儉慈恕見于用柔慧孝愛資之天
非天則用豈能見惟用而後知其然借君子之老五福以備享
而又引之以修年達夢覺于鹿人則知

闕下文

姑溪居士文集卷第四十九終

姑溪居士文集卷第五十

趙郡李之儀端叔

墓誌銘

姑溪居士妻胡氏文柔墓誌銘

文柔諱淑脩字文柔姓胡氏世為常州晉陵著姓祖宿歷位要
顯其子孫族屬多能取美官遂為大族父宗質娶宣城施元長
之女元長娶丹陽刁民約之妹約館閣舊人樂善喜賓客公卿
巨人多所親厚故相因習以風範好事互為表發文柔當內外
族盛時獨能于所聞見擇而不隨一時翕然以為賢選所宜歸
皆侈家達門文柔辭焉于是先人贈登祿仕敝車羸馬奉朝請

余方從學者遊有以合姓為言者先人難之文柔謂其親曰此可托也乃歸于我事先人先妣能盡其所以事嫁方數月先人當赴遠官余將從舉子試皆不欲余相遠去柔曰君無以我為重而使君有新婚惜別之議凡晨昏致養我之職也第勉之後先人得疾文柔未嘗去其側葉餌非親嘗不進甫屬續謂文柔曰吾幼女及行而不及見以是累爾文柔涕泣承命既佐先妣營葬事治家外一意掇拾多取其自隨物為其用卒得佳配以行余既出仕奉偏親祿不給于養文柔諱甘旨均有無脫粟不自厭而門內無間言施夫人卒文柔即撻去服飾不茹葷先妣屢強其反常文柔每謝曰內失吾舅外失吾母可復世間欣艷

以相夸耶卒不回先妣棄孤遺于京師余羸然在疚傍無一力之助文柔經理促辦迨護喪歸葬無一事不至凡穿穴封殖率與余分任每舉其哀襦運土以從事而子實之其松檟灌溉則涕淚與水俱無慮數十本後無一不榮者父感疾善醫者曰非灼艾不能效固請不可文柔泣曰疾已至此得不為兒女念輒炷香于臂曰願放一炷對一壯至十餘父始覺至嗷呼親以手撥去猶不已既喪摧毀幾不勝衣掖之乃能行京師新聞禪刹召名師主之學者至奔走天下然一方猶未全信文柔著壞色衣一飯一粥隨諸學者叅問而所謂明師者皆印其可上自宗室公卿家徃：化之類中遂為領袖而名聞京師天下叢林自

至今稱之文柔亦以是為己任崇寧二年余以撰故宰相范忠宣公行狀逮繫御史獄方大暑文柔自穎昌兼程野宿追余至京師就數椽地手自執爨具獄中飯當烈日烟熖中斯須不暫過者為流涕獄詞有所追詔而所追偶寄一姻家其長雅不相習文柔曰彼若覺則不可取輒給曰久濶幸一相見先後賂其使令而得其處入門則相與破鑠發篋得所追以出長大驚曰一何妙耶亦具以是訴于人間者曰審有是乎已而曰豈古所謂烈女者莫不首肯而嗟賞之不已余既南遷文柔相迎于御史府頷余泣且喜曰囹圄中何所不有而君乃豐悅過于常時豈不以之介然耶我當與君俱貶所未必惡也遂同涉闌闔止

旅邸其修途所次具已集矣或曰陸趨良勞又方庚伏中且乏雨柰何遂附運糧空舟以行而舟敝上不能蔽果大霖至加雨衣相擁覆兼晝夜者六七比舍舟而陸歷深山大澤夫婦形影相携暑每增熾率達旦命途時藉草以休其乏既即貶所異鄉人情齟齬又以罪來上下觀望幾不相誰何蓬華蕭然惟薪水相給而已文柔問謂余曰通塞自有其數苟不偶于今日則合眼再開未必無佳處要須于向上事精進當能必致其佳既到此尤甚自策一報緣中不昧者有幾遂一意佛事朝暮禮觀音懺不懈間邀余共之先是文柔三弟各分俸為助思語余曰日月易得食其所分行二年矣此特以我故分而元與之約遇赦

恩或得免則還之救來而不及彼不能無所望余曰姑少待以
成其義文柔曰第還之我亦欲履其約也家人輩竊疑其說一
日二三禪者相過處留飯饗滌舉饋文柔皆不以委人既徹覺
疾作居兩日遂草輒自沐浴更衣屢舉身起欲跣跣而行家人
輩幸其生不為之掖乃兩手結彌陀印而逝時四年二月四日
也氣候已暄猶停七日以待其子甫就木顏色光潤如笑嗚呼
之儀不幸事先人之日短文柔間閔相保于窮約中與先妣不
異親母子無頃刻暫相捨比終養見遺像必出涕遇時享薦獻
必親而歷道其平生咨嗟感咽不自禁于仕不偶又仰祿為生
文柔能使不足為有餘既篤于其姑又不忘其父母之愛周旋

往來常恐有所不及二家中表矜式其所踐而嚴憚之其二親
之葬適在數千里外皆輕裝赴之孤妹自襁褓拊育至及行又
親為紉製以待性高嚴喜風節自許與甚重練達世故喜論事
于又物取捨則毫髮不假借上自六經司馬氏史及諸纂集多
所綜識于佛書則終一大藏作小詩歌詞禪頌皆有師法而尤
精于算數沈括存中余少相師友間有疑忘必邀余質于文柔
屢歎曰得為男子吾益友也余從辟蘓軾子瞻府文柔屢語余
曰子瞻名重一時讀其書使人有殺身成仁之志君其善同之
解后子瞻過余方從容笑語忽有以公事至前遂力為辦理以
竟曲直文柔從屏間歎曰我嘗謂蘇子瞻未能脫書生談士空

文游說之弊今見其所臨不苟信一代豪傑也比通家則子瞻命其子婦尊事之常以至言妙道屬其子婦持以論難呼為法喜上人子瞻既貶手自製衣以贖曰我一女子得是等人知我復何憾雅不耐事責己甚常而待人御下必欲如己自始蔬食迄老不少輟雖疾病亦不易食無鹽酪終麤糲屬饜爾隨禪者力行受圓炤宗本師記從其門弟子別名守慧兩男子長未名而卒次堯行未葬前一年亦已卒一女子嫁餘杭虞奕孝而義甚似其母而明爽疏通不膠于事文字一過眼輒誦為文多魏晉間人語後文柔數日卒內外孫兒女十三人李氏占數滄州無棣後徙楚州山陽今得卜于太平州當塗縣藏雲山之致兩

峰下遂遷先人妣以葬而以文柔從葬先人諱 先妣田氏享年五十八其葬以文觀四年十一月十八日先以余通籍朝列封蓬萊縣君再以余加大夫階進封南華後以余復官追封靜安嘉祐中嘗從其祖母至內廷見于柔儀殿中宮拊之曰是乃胡氏有學能文之女乎後因上元節御宣德門觀燈命婦皆在侍又顧胡夫人曰能文之女何不來文柔適在後遂呼出而賜冠帔文柔生平可紀之事固多惜非其地而終不能超見其志宜能文詞者抑揚以信後世然與余四十年伉儷且復所履歷皆人所不能堪亦人之所甚難又多緣我而致加之閨門之外或不及徧知苟非親為直書其事則九原之下所負深矣輒攬

涕而銘之尚恨有所不盡也銘曰生之非艱行之則難胡捨彼以即此蓋所遇之適然達我行之必至庶古人之莫能先或謂此大夫之事也孔子不曰有婦人焉噫求仁而得仁矣亶吾銘之弗諼

李氏歸葬記

李氏世葬滄州無棣自先祖出仕從于楚州即以葬至先人捐館舍以其地不可以從葬乃卜于州之西南安樂鄉興里先妣歿亦舉以祔地近河復以疏鑿變更間為河逼議遷者久之而未果之儀得罪居太平州既許自便北歸道金陵愛其江山勝麗遂有卜葬之意凡距城百里內外求之殆徧而不可得避

迨復過太平得此地為葬蓋當塗縣埽鄉尊宿社藏雲山之致兩峯下也以大觀四年四月十八日奉先人先妣合未葬四喪而葬焉于是先人以之儀陞朝累贈光祿大夫先妣追封永嘉郡太夫人孫堯行以通仕郎江州軍事判官次堯光方四歲曾孫德師郊社齋郎德孚尚幼先人之女長嫁朝奉郎何景初封德安縣次嫁顯謨閣直學士大中大夫林邵追封崇國夫人次嫁朝請大夫鄭億封同安縣君之儀之女嫁承議郎河北西路提點刑獄虞變封文昌縣君次方二歲次生未滿月堯行之女亦嫁虞氏孫徹一未行何氏孫釗儒林郎監秀州鹽場鑄將仕郎鎮承議郎通判明州林氏孫攄正奉大夫中書侍郎鄭氏孫

曜將仕郎宣州司法叅軍虞氏孫澈沒雲渚外孫十五人已嫁
皆士族七在室嗚呼先人先妣積累之厚其德澤所鍾當有承
之者而之儀無以似深懼不克負荷然報施不昧庶幾有待焉
故謹書之以昭其成其諸具載誌銘今并舊刻石移置壙中來
者可以再見也朝奉大夫管勾成都尉李之儀謹記

姑溪居士文集卷第五十終

卷之三